

(1) SemaKristu, ndivanaani vatinofanira kutaurira pamusoro perudo rwaKristu?

Johane 17:18

Sevana vaMwari mukana wedu kuratidza nyika yese kuti Jesu akaita sei; tinofanira kuratidza kunaka netsitsi dzaIshe. Sekuratidzwa kwatakaitwa chimiro chechokwadi chaBaba naJesu isu tinofanira kuratidza Jesu kunyika isingazivi hunyoro netsitsi dzaKe dzine rudo.

(2) Kana tagamuchira kunzi Makristu chii chatinofanira kuzadzisa?

2 VaKorinte 3:2, 3

Mune mumwe nemumwe wevana vaKe, Jesu ari kutumira tsamba kunyika. Kana uri muteveri waKristu, ari kukutuma setsamba kumhuri yako, guta rako, nepaunogara. Jesu anodisa kutaura kuburikidza newe kumwoyo yeavo vasingamuzivi. Kuda havaverengi Bhaibheri, kana kunzwa izwi rinotaura kwavari mumapeji aro. Havaoni rudo rwaMwari kuburikidza nezvinhu zvaanoita. Asi kana uri muenzaniso wechokwadi waJesu, zvinogona kuitika kuti kuburikidza newe vanogona kubatsirwa kunzwisisa kunaka kwaKe kusvikira vamuda nekumushandira.

(3) Ishoko rudzii rinoshamisa retariro iro Makristu ane mukana wekugoverana nevamwe?

Johane 17:23

Makristu anofanira kuva vatakuri vechiedza munzira yavo yekuenda kudenga. Vanofanira kuratidza kunyika chiedza chiri kupenya kwavari kubva kuna Kristu. Upenyu hwavo hunofanira kuva hwakadaro zvekuti vamwe vanokwanisa kuwana chimiro chaicho chaKristu nemashandiro aKe. Isaya 12:4.

Kana tikaratidza zvakaita Jesu kuvanhu tinokwanisa kuvaratidzawo kuti kumuraramira kwakakosha sei. Makristu anogara akatarisa kuti zvinhu zvingangoipa, uye achigara akangosuwa ,anogara achingonyunyuta arikupa muenzaniso wakashata wekuti Mwari akaita sei uye wekuti upenyu hwechikristu hwakamira sei. Vanopa vamwe pfungwa yekuti Mwari haafariri kuona vana vaKe vachifara, uye mukuita izvi havasi kuratidza kuti Baba vedu verudo vedenga vakamira sei.

(4) SeMakristu tinofanira kutarisa hupenyu nemaoneroi?

VaFiripi 4:11

Satani anofara chose kana akakwanisa kuti vana vaMwari varege kutenda muna Mwari uye kuti vashaiwe mufaro. Anofara kana akationa tisingavimbi naMwari uye tichikahadzika nepfungwa yekuti Mwari anoda uye ane simba rekutiponesa. Anoda kuti tifunge kuti Mwari achatikuvadza nematongerero aanoita. Chinangwa chaSatani kuti vamwe vatende kuti Ishe haanyatsoratidzi hanya kana



kuva netsitsi nesu. Satani anonyepa uye anotizadza nepfungwa dzisiriidzo pamusoro paMwari. Panzvimbo yekuti tifunge pamusoro paBaba vedu varikudenga sezvatinofanira, nguva zhinji tinofunga pamusoro pemanyepo aSatani. Patinoita izvi tinotadza kuremekedza Mwari kuburikidza nekunyunyuta nekutadza kuvimba. Satani anogara achiedza kuti hupenyu hwedu hwemweya husafadze. Anoda kuti hupenyu hwe chiKristu huratidze sehwaakoma kune vamwe; anodisa kuti huratidzike sehune basa rakakura. Kana isu seMakristu tikaratidza izvi muhupenyu hwedu, kuburikidza nekusatenda, tinenge tave kureva nhema dzimwechededzo saSatani.

(5) Tinofanira kuva nemaoneroi patinosangana nematambudziko ehupenyu?

2 VaKorinte 12:9, 10

Vanhu vazhinji vanorarama hupenyu hwavo vachingofunga mhosho dzavakaita nguva dzavasina kubudirira uye pavakakuhunika. Patinofunga pamusoro peizvi mwoyo yedu inozadzwa nekusuwa uye tarihi inoshaiswa simba.

Hupenyu hwakafanana nekufamba mubindu remaruwa emarozisi. Patinopfuura nemubindu iri tinogona kusarudza kutarisa paminzwa kana kusarudza kuona runako rwemaruva. Minzwa inongokukuvadza nekukukonzera kutambudzika. Kana ukango unganidza zvakadai nekuzvitaurira kuvamwe; hausikudzivirira vakakutenderedza kufamba munzira yeupenyu here? Hausi kubvisa here kunaka kwaMwari? Hazvina kunaka kuunganidza ndangariro dzako dzisingafadzi dzezvakaitika muupenyu hwako, nezvese zvakaipa zvawakaita, nekukuhunika kwese kwawakasangana nako. Hazvina kunaka kuramba uchizvidzokorora nekuchema pamusoro pazvo kusvikira zvakukurira nekukushaisa tariro. Ukasarudza nzira iyi uchazadzwa nerima nekuneta mupfungwa. Zvinokonzera kuti chiedza chaMwari chipfigirwe kunze kwemweya wako uye unokanda mumvuri munzira dzevamwe.

SeMakristu ngatiramei muzviitiko zveupenyu takatarisa parunako rwemaruva. Idzi ndidzo nguva dzinopenya muhupenyu hwedu nenguva dzinokosha apo hana dzedu dzakasvetuka nemufaro mukuterera kuMweya waMwari.

Ukatarisa mumashure pazviitiko zvemuupenyu hwako unogona kuwana here nguva dzinofadza? Vimbiso dzaMwari dzakaita here semaruva anonhuwirira

achikura mumativi ese enzira yako? Ungabvumidza here runako nekunhuwirira kwawo kuti azadze mwoyo wako nemufaro?

(6) Mufananidzoi waMwari unofanira kuratidzwa muupenyu hwemuKristu?

Isaya 12:4, 5

Tenda Mwari nenguva dzakajeka idzo dzaakatipa. Ngatirangarirei simbiso dzerudo rwaKe nekuramba takadzichengeta mupfungwa. Mwanakomana waMwari akasiya chigaro chaBaba vake akapfekedza uMwari nehunhu kuti agotinunura kubva kusimba raSatani. Kukurira kwaKristu kwakazarura denga kuitira kuti Kubwinya kwaMwari kugoonekwa. Rudzi rwakaputsika rwakasimudzwa kubva mugomba rekuparara marwakanga rwawisirwa nechitema, rukabatanidzwa zve naMwari anorarama nekusingaperi. Uye mushure mekuidzwa kutsvene kuburikidza nekutenda muna Muponesi, tinopfekedzwa kururama kwaKristu nekusimudzirwa kuchigaro chaKe. Izvi ndizvo zvinodikanwa naMwari kuti tirambe tinazvo mupfungwa uye kuti tigoverane nevamwe.

(7) Mwari akaratidza sei rudo rwaKe kwatiri zvisina mubvunzo?

VaRoma 8:32

Patinokahadzika pamusoro perudo rwaMwari nekusatenda zvaakavimbisa, kuramba kumukudza nokurwadzisa Mweya waKe Mutsvene. Mai vanganzwe sei kana vana vavo vakaramba vachingonyunyuta kuti havana kuvaitira zvakanga zvakavanakira asi iho hupenyu hwavo hwose vakashingaira kuti hupenyu hwavo huve nyore? Kana vangakahadzika kuti mai vavo vaivada here, zvingatsemure mwoyo wamai wavo. Vabereki vanganzwa sei kunzarwo nevana vavo? Ko Baba vedu vekudenga vanofungei pamusoro pedu kana tisingavimbi nerudo rwavo, rudo rwakasunda kuti vape Mwanakomana akaberekwa mumwe oga kuti tiwane hupenyu? Asi vazhinji sei nemaitiro edu, kana mashoko edu, varikuti, “Zvakavimbiswa naMwari izvi hazvisi zvangu. Kuda Anoda hake vamwe, asi ini haandidi.”

(8) Seiko zvisina kunaka kugoverana kukahadzika nekukuhunika nevamwe?

VaRoma 14:13

Kana tisingavimbi naMwari zvinongokuvadza isu nekuti izwi rega rega ratinotaura rekukahadzika kukoka Satani kuti atiedze. Kusavimba kunosimbisa tsika yekukahadzika, uye kunochemedza nekusundira ngirozi dzinotichengeta kure nesu. Pese patinoedzwa naSatani hatifaniri kutaura shoko rekukahadzika kana rerima. Kana tikazarura masuwo endangariro dzedu kune zvaanotaura, pfungwa dzedu dzichazadzwa nekusavimba uye nemibvunzo yekupanduka. Tikataura zvatininge tichinzwa mupfungwa dzedu, kukahadzika kwese kwatinobudisa pachena hakungokanganisi isu, asi imhodzi inokura uye kukonzerawo kukahadzika muupenyu hwevamwe. Hazvizogoni kuti tidzore simba remashoko edu nezvarinenge rave kuita muupenyu hwavo. Isu tinogona kupukunyuka kubva mumuedzo uye mumusungo waSatani, asi vamwe vanenge vakasundwa nemashoko edu vanogona kuzotadza kupukunyuka kubva mukusatenda

kwatakadyara mavari. Ndiko kusaka zvakakosha kuti titaure izvo bedzi zvinopa simba pamwe ya neupenyu.

(9) Seiko zvakakosha kuti timiririre Kristu nemashoko edu?

VaRoma 14:7

1 VaKorinte 8:12

Ngirozi dziri kuterera zvatiri kutaurira nyika pamusoro paIshe wedu. Kana uchitaura ngazvive zvaJesu uyo Anorarama kutimiririra pamberi paBaba. Kana uchifamba neshamwari yako, kurumbidza Mwari ngakuve pamiromo yako nemumwoyo mako. Izvi zvichakwezvera pfungwa dzake kuna Jesu.

(10) Bhaibheri rinotirairei pamusoro pemabatiro atinofanira kuita kukahadzika nekukuhunika?

VaFiripi 2:14

Munhu wese anezvinetso, zvisuwiso zvinorema kutakura, nemiedzo isiri nyore kukurira. Usataurire matambudziko ako kuvanhu vanofa asi takura zvose kuna Mwari mumunamato. Ngauve mutemo vaunozvipa kusataura shoko rimwe chete rekukahadzika kana kukuhunika. Unogona kuita zvakakura kusimudzira hupenyu hwevamwe nekusimbisa kushingaira kwavo nemazwi etariro nekunyaradza kwakakomborerwa.

Kune mweya mizhinji yakashinga yakamomoterwa nemiyedzo. Vava kutosvika pakuneta muhondo yekurwisa chindini uye nemasimba akaipa. Usakuhunisa vari mukati mehondo dzakadai. Vakurudzire nemashoko ehushingi, mashoko etariro anovabatsira munzira yavarikufamba. Munzira iyi chiedza chaKristu chinogona kupenya chichibva mauri. “Nokuti hakuno mumwe wedu unozviraramira iye oga.” VaRoma 14:7. Kuburikidza nesu vamwe vanogona kukurudzirwa nekusimbiswa, kana kuti vanogona kukuhuniswa uye kusundirwa kure naKristu uye nechokwadi.

(11) Ndekunaani uko tingawana kuzara kwerufaro uye rudekaro?

Mapisarema 16:11

Kune vazhinji vane pfungwa yakaminama (yemanyepo) pamusoro pehupenyu nechimiro chaKristu. Vanofunga kuti akanga asiri munhu akasununguka uye asingafari; vanofunga kuti aive munhu akaoma, akakwindimara uye asina mufaro. Upenyu hwavo hwese hweChikristu hwakabatwa uye hunoraramwa nemafungiro nemaonero akadai.

Kazhinji zvinotaurwa kuti Jesu akachema, asi hapana paanozikanwa semunhu akanyemwerera. Ichokwadi kuti Muponesi wedu akava , “Munhu wokurwadziwa,”uye “wakaziva urwere.” Chikonzero cheizvi ndechekuti akazarura mwoyo waKe kumatambudziko evanhu. Kunyange hupenyu hwaKe hwakanga husina chindini uye hwakaremerwa nemarwadzo nezvainetsa, mweya waKe wakanga usina kupwanyika. Chiso chaKe hachina kuratidza kusuwa kana kufundumwara asi chaive nekugadzikana kune runyararo. Mwoyo waKe waiva chitubu chehupenyu uye kwese kwaaienda akanga akatakura zororo, runyararo, rufaro nekusununguka.

Muponesi aiva munhu airarama upenyu hwakananga uye hune kurevesa, asi hwakanga husina kufundumwara kana kushaya mufaro. Upenyu hweavo vanomuteedzera huchazara nechinangwa uye pfungwa yakadzika yebasa

ravanofanira kuita. Kubata basa nezinyekenyeke kunoregedzwa, uye hakuzovi nekutsvaga mafaro enyika uyewozve kuvirima (kuita jee rekutsvinyira kana kushora). Panzvimbo yazvo panova nekutenda kwaJesu kunopa runyararo runoyerera serukova. Hakurambidzi chiedza cherufaro; hakurambidziwo zve kusununguka kana kudzivirira uso hunonyemwerera. Kristu haana kuuya kuzoshandirwa asi kuzoshandira, uye kana rudo rwaKe rwavakutonga mumwoyo tichateedzera muenzaniso waKe.

(12) Chii chatinofanira kuita kana vamwe vatigumbura?

VaEfeso 4:32

Zvirevo 19:11

Kana tikagara tichifunga pamusoro pezvisina kunaka zvinoitwa nevamwe tichazviona zvisiri nyore kuvada sekudiwa kwatakaitwa naKristu. Asi kana pfungwa dzedu dzikava pamusoro perudo runoshamisa netsitsi dzaKristu kwatiri, ticharatidza mweya wakafanana newaKe uyo uchaerera kuenda kune vamwe. Tinofanira kudanana nekuremekedzana zvisinei nemhosho uye zvikanganiswa zvinoonekwa zveemunhu. Chinofanira kuva chinangwa chedu kuzvininipisa kwete kuzvivimba pachedu. Tinofanira kuva vakatiwira uye vanyoro kana tatarisana nemhosho (kukanganisa) dzevamwe. Izvi zvinobvisa chindini uye kutipa mwoyo wakakura wekuregerera.

Ndinopa mwoyo wangu wose kuna Jesu nekugamuchira nyasha dzaKe dzinoshamisa dzaanondipa. Ndinogamuchira ruremekedzo rwekutakura zita rinonzi “Mukristu.”

Tenderedza: Hongu Kwete Handisati ndasarudza

Chidiso changu kuti ndive Mukristu akasununguka uye anoratidza vamwe rufaro, runyararo uye kufaranuka kunobva mukugara maAri.

Tenderedza: Hongu Kwete Handisati ndasarudza

Ndinotenda Mwari nekundiratidza muShoko raKe matsiko andinofanira kutora mukuuya kwaAri. Pandapedza zvidzidzo izvi ndanzwa Mweya Mutsvene Achinditungamirira mukufamba pedyo naKristu.

Tenderedza: Hongu Kwete Handisati ndasarudza

Ndine chidiso chekuwana zvimwe zvidzidzo zveBhaibheri zviripo. Ndinoda kunzwisisa zviri nani zano raMwari nehupenyu hwangu.

Tenderedza: Hongu Kwete Handisati ndasarudza

(C) Merlin Beerman - www.revelationpublications.com
Illustrations (C) Goodsalt - www.goodsalt.com
These materials may be photocopied and shared but not altered or sold.

Printed in USA by Light Bearer’s Ministry - www.lbm.org

Matsiko Kuna Kristu



Rufaro Muna Jesu - 1

15 - 16